

Mas cas den Playa cla pa demolision

ORANJESTAD—E hecho cu a basha Aruba Tivoli Club abou a lanta un cierto preocupacion pa edificionan monumental cu ainda tin den Oranjestad. Particularmente ora cu tin confirmacion cu tin tres otro edificio/cas den Playa cla pa demolision. Ta trata aki di e cas di famia Beaujon cu ta net dilanti Watertoren cu si a keda restaura, y tambe e cas cu tabata di famia Juleau, y e cas net su tras cu tabata di famia Fowler/Quartz.

E cas di famia Beaujon ta hopi yamativo pa su arquitectura y asina mes, apesar di su edad y diseño no ta aparece riba lista di monument. E cas di famia Juleau a bira e bufete di Abogado De Souza un tempo. Pero segun historia, famia Juleau, aunke cu e fam no ta aparece mas na Aruba, tabata famianan prominente di nos isla. Nan tabata personanan cu a scapa for di Europa tempo cu tabata persigui e asina yama 'Hugenoten.' E negoshinan 'General Store' y 'Botica Aruba,' tabata negoshinan estableci pa famia Juleau. E informacion cu tin ta cu un banco comercial den Caya Principal a cumpra e casnan aki y awor ta bay basha nan abou pa nan expansion. Y particularmente e cas di Juleau y Beaujon ta locual ta lanta hopi preocupacion mirando nan balor historico y diseño.



Segun Yvonne Webb Kock di Monumentenburo, ningun di e casnan aki ta aparece riba e lista di monument, pero cu ayera otro hende tambe a yam'e pa e cas di Beaujon particularmente. Y mirando e estructura di e cas, e ta hay'e uno interesante pa evalua ainda. Si esaki ta nifica cu ainda lo por scapa e cas, no ta conoci, pero Webb Kock a muestra cu e lo bay combersa cu e banco, den e caso aki CMB cu ta su doño nobo, pa mira si tin forma pa scapa e cas. Mester bisa cu na Corsow, e banco ruman MCB ta un di e instancianan cu mas ta sostene proteccion di monumentonan, y a contribui tambe pa restoracion di diferente monumento den Willemstad. Hecho ta cu ta trata aki di propiedadnan particular y te ainda Gobierno no a duna monumentenburo e poder pa legalmente stipula cu monumentonan ta haya un capa di proteccion. Propiedadnan di Go-

Manera BON DIA Aruba a muestra, pa un edificio ta califica como monumento, e mester cumpli cu cierto rekesito arquitectonico, e mester tin un storia specifico y mester ta mas cu 50 aña, cu ta dun'e un aspecto historico. Y asina a perde un cantidad di monumento historico na Aruba, y tambe na Playa. Por corda ainda e dos edificionan, cas Arubiano cu tabata keda tras

di e unico trahado di mueble Arubiano cu tabata Sr. Calixto Corea. Corea tabata e unico 'ebanista' esta 'meubelmaker. Ainda tin mueblenan cu difunto Corea a traha ta dorna casnan aki na Aruba y hasta tin un buki historico publica riba e mueblenan elabora pa e ebanista Corea. Calixto Corea a laga su cas y su 'winkel,' cu tabata e espacio unda e tabata haci su trabou, pa



E cas di famia Beaujon ta hopi yamativo pa su arquitectura y asina mes, apesar di su edad y diseño no ta aparece riba lista di monument.

bierno cu ta califica como monumento tin un proteccion automatico, pero esey no ta conta ainda pa edificionan cu ta propiedad priva y ta califica como monumentonan.

di Bon Bini Bazaar. E edificionan aki pa motibo di herencia a cay den decadencia y a keda ocupa pa chollernan. Pero poco hende tabata corda cu esaki nan tabata e cas y 'winkel'

su yiunan, kendenan a sigui cu parti di e trabou di nan tata. Sinembargo, ningun di e yiunan aki tabata descendencia y na momentu cu nan a fayece, e cas a pasa pa un otro famia, cu no por a mantene e cas, cu a bira victima di chollernan cu berdad a dañá henter e ambiente. Como solucion a dicidi pa basha e cas abou, sin cu tabata conoce su historia. Y mirando con a basha Tivoli Club abou, ta keda e sentimiento cu no tin forma pa scapa hopi di e edificionan bieu. Na e momentonan aki tin movecionnan pa haci un cas estilo Arubiano 'limpi,' den cercania di Zuidstraat, y e miedo ta cu kizas lo basha e cas aki tambe abou, pasobra simplemente no tin forma pa sa ki ora ta proteha un edificio bieu of no. □